

T2516/0433-3

Harvard College Library Imaging Services <http://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17
Lab D50 2'	95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	42/57/29	82/4/79	51/50/-13	50/-28/-29						
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUN 27 1941

史記卷三

哈佛大學漢和圖書館珍藏印

陳留 謝肇淛 著

黃師表

建安

較

黃師正

後漢書

諸于繡屨

其物切

光武紀諸將過皆冠幘而服婦人衣諸于繡屨
莫不笑之注諸于大掖衣也繡屨如今半臂也

長一作福

苦眩

同上上以日食避正殿讀圖讖多御座廡下淺
露中風發疾若眩甚左右有白大司馬吏病苦
如此不能動搖自強從公出乘以車行數里病
愈四月二日車駕幸偃師病差數日入南陽界
到葉以車騎省留數日行黎陽兵馬十餘匹遂
到章陵起居平愈

放手

明帝紀詔曰今選舉不實邪佞未去權門請託
殘吏放手百姓愁怨情無告訴注放手謂貪縱
爲非也

燠沐

同上京師冬無宿雪春不燠沐煩勞群司積精
禱求注燠煖也沐膏澤也

應門

同上昔應門失守關雎刺世飛蓬隨風微子所
歎永覽前戒悚然競懼注應門聽政之處也言
不以政事爲務則歌關雎以感之管子曰無儀

法程式飛搖而無所定謂之飛蓬飛蓬之間明
主不聽

典城

章帝紀舉孝廉郎中寬博有謀任典城者以補
長相注任堪使也典主也

吹綸絮

同上詔齊相省冰紈方空穀吹綸絮注方空者
紗薄如空也綸細絮也吹者言吹噓可成也

令丙

同上詔曰律云掠者唯得榜笞立又令丙等長
短有數注立者立而考訊之令丙者令之次第
有甲乙丙也

劇易

同上駕言出游欲親知其劇易

鬼區

同上詔曰朕聞明君之德啓迪鴻化緝熙康乂
光照六幽訖惟人而靡不幸俾仁風翔於海表
威霆行乎鬼區然後敬恭明祀膺五福之慶獲

史解 卷三
來儀之貺注鬼區卽鬼方

扶拔

同上月氏國遣使獻扶拔師子注扶拔似麟無角

流宄

和帝紀遣使者分行貧民舉實流宄注宄散也流散者舉案其實而給之

伏閉盡日

同上初令伏閉盡日注伏日萬鬼行故盡日閉

不干它事

長檄

安帝紀冀并二州民訛言相驚為棄捐舊居若欲歸本郡在所為封長檄不欲勿強注封印封也長檄猶長牒給之使為驗也

充庭車

同上元日會徹樂不陳充庭車注每大朝會必陳乘輿法物車輦於庭故曰充庭車以年饑故不陳

過更

同上詔以三輔比遭寇亂人庶流冗除三年逋租過更口筭芻橐注天下人皆戍邊三日不能人人自行行者任一歲不行者出錢二百入官以給戍者言過其本更之日故曰過更

參綠

力全反

順帝紀漢陽太守張貢擊燒當羗於參綠破之注縣名屬安定郡

葦筥

靈帝紀建寧中京師長者皆以葦方筥爲裝具時有識者竊言葦筥郡國讞篋也後黨人禁錮會赦有疑者皆讞廷尉人名悉入方筥中

四出文錢

同上復脩玉堂殿鑄銅人四黃鍾四及天祿蝦蟆又鑄四出文錢

算人

后紀漢法常因八月算人遣中大夫與掖庭丞及相工於洛陽鄉中閱視良家童女注八月初

史記 卷三十三 五
爲算賦故曰算人

贅行

同上當其接牀第承恩色雖險情贅行莫不德焉及至移意愛析燕私雖惠心妍狀愈獻醜焉愛升則天下不足容其高歡隊故九服無所逃其命

緣構

同上馬太后詔曰前過濯龍門上見外家問起居者車如流水馬如游龍蒼頭衣緣構領袖正

白顧視御者不及遠矣注構臂衣也

息耗

竇后紀家既廢壞數呼相工問息耗注息耗善惡也

釳器

釳音口

鄧后紀蜀漢釳器九帶佩刀並不復調注釳以金銀緣器也

振子

振音振

同上太后以陰陽不和軍旅數興詔饗會勿設

戲作樂減逐疫侏子之半注侏子逐疫之人也
侏善也善童幼子也

貍劉 乘之

禮儀志武官肄兵習戰之儀斬牲之禮名曰貍
劉兵官皆肄孫吳兵法六十四陣名曰乘之注
一作貍腰當新始殺食曰貍腰

逐疫十二神

同上先臘一日大儺謂之逐疫乘輿御前殿黃
門令奏曰侏子儺請逐疫於是中黃門唱侏子

和曰甲作食殍腓胃食虎雄伯食魁騰簡食不
祥攬諸食咎伯奇食夢強梁祖門共食磔死寄
生委隨食觀錯斷食巨窮奇騰根共食蠱凡使
十二神追惡凶赫女軀拉女幹節解女肉抽女
肺腸女不急去後者爲糧

巖郎

百官志羽林郎比三百石選漢陽隴西安定北
地上郡西河凡六郡良家補本武帝以便馬從
獵還宿殿陛巖下室中故號巖郎

史集
卷三
廿丞

同上廿丞王膳具湯官丞王酒果丞王果

牛頭馬脯

同上丁邨字叔春爲漢中太守妻弟爲公孫述將收妻送南鄭獄免冠跣足自陳詔曰漢中太守妻乃繫南鄭獄誰當撻其背垢者懸牛頭賣馬脯盜跽行孔子語以邨服罪且邨一妻冠履勿謝

里魁

同上里有里魁民有什伍善惡以告

百官受奉例

同上大將軍三公奉月三百五十斛中二千石

奉月百八十斛二千石奉月百二十斛比二千

石奉月百斛千石奉月八十斛六百石奉月七

十斛比六百石奉月五十斛四百石奉月四十

五斛比四百石奉月四十斛三百石奉月四十

斛比三百石奉月三十七斛二百石奉月三十

斛比二百石奉月二十七斛一百石奉月十六

斛斗食奉月十一斛皆半錢半穀

就

輿服志錫樊纓十有再就注就重也繁纓飾以
旄尾金塗十二重

方鉞

同上象鑣鏤錫金鏤方鉞插翟尾注金鏤馬冠
也方鉞鐵也在馬鏤後

約

同上祀宗廟則冠劉氏冠皆服約玄注早服也

鏢口

同上佩刀皆以白珠鮫為鏢口之飾注刀鋒曰

鏢

齒

同上皇太后入廟服隱領袖緣以絳翦鬣齒簪
珥耳璫垂珠無注烏桓傳有齒步搖注或為幘

半頭幘

劉盆子傳俠卿為制絳單衣半頭赤幘直綦履
乘解車大馬赤屏泥絳襜絡注半頭童子幘也

其上無屋

帛意

李憲傳軍士帛意斬憲注帛姓也宋帛產之後見韓非子

鑄胡

盧芳傳隨昱封鑄胡侯注謂琢鑿之故以爲名下又有鑄羗侯

錯鍤

隗囂傳牽馬操刀奉盤錯鍤遂殺牲而盟注鍤

卽是錯置也

赤車

同上囂移檄數莽罪曰尊任殘賊信用姦佞誅戮忠正覆按口語赤車奔馳法冠晨夜寃繫無辜妄族衆庶注小使車赤轂白帷蓋赤帷從騶卒四十人

支閔 叵

同上囂又多設支閔帝知其終不爲用叵欲討之注支柱閔障也三國志韓軍枝柱難窮叵猶

史解 卷三
遂也班超傳超欲因此臣平諸國

殺諷 殺丁外反

來歙傳光祿勳殺諷

羊腸倉

鄧訓傳理虜沱石曰河從都慮至羊腸倉欲令
通漕注汾陽故城積粟所在謂之羊腸倉

首施

同上小月氏與羗戰常以少制多雖鼠施兩端
漢亦時收其用注首施首鼠也

稽故

同上諸羗萬騎來至塞下未敢攻訓先欲脅月
氏胡訓擁衛稽故令不得戰注謂稽留事故也

批抵

寇榮傳臣兄弟獨以無辜爲專權之臣所見批
抵青蠅之人所共構會注抵側擊也

質礪 嚴棘

同上尚書背蠅墨案空劾不復質礪其過寘於
嚴棘之注質正也礪實也嚴棘獄也

史解 卷三
二
忸怩

忸逝

馮異傳虜兵臨境忸怩小利遂欲深入注謂慣習也

博具

耿恭傳烏孫大昆彌已下皆歡喜遣使獻名馬及奉宣帝時所賜公主博具

牢戶

同上蘇君恩不及嗣恭亦終填牢戶追誦龍蛇之章以爲歎息按牢戶獄也

期門

銚期傳帝嘗輕與期門近出注武帝將出必與良家子期於殿門故日期門

城頭子路

任光傳城頭子路者東平人姓爰名曾字子路與肥城劉詡起兵盧城頭故號其兵爲城頭子路

出

耿純傳純真定宗室之出注男子謂姊妹之子

爲出

憑強

堅鐔傳鐔封憑強侯注縣名屬汝南

遺種

竇融傳河西肥富一旦緩急杜絕河津足以自守此遺種處也

符要

同上羌胡犯塞融輒自將與諸郡相救皆如符要注赴敵不失期契也

儀適

同上融先遣從事問會見儀適注猶儀注也

天隙

同上竇融始以豪俠爲名拔起風塵之中以投天隙注天之間隙也

萎媵

馬援傳援書與囂將楊廣曰春卿事季孟外有君臣之義內有朋友之道言君臣耶固當諫爭言朋友耶應有切磋豈有知其無成而但萎媵

昨舌义手從族乎注菱腰奕弱也

夜誦

馬廖傳願置章坐側以當瞽人夜誦之音注夜誦者其辭或秘不可宣露故於夜中歌誦也

蘊憤

卓茂傳蘊憤歸道之賓越關阻捐宗族以排金門者衆矣注蘊積也

白山

魯恭傳白山之難不絕如縵注即天山也

迂久

劉寬傳嘗坐客遣蒼頭市酒迂久大醉而還注猶良久也

自搏

趙憙傳仇皆臥自搏注猶叩頭也

繭栗犢

同上憙年未二十引見更始笑曰繭栗犢豈能負重致遠乎注犢角如繭栗言小也

宿留

秀溜

韋彪傳司徒劉愷謂彪兄豹曰卿以輕好去就
爵位不躋今歲垂盡當選御史意在相荐子其
宿留乎注言待也

宣巨公

宣秉傳楚國二龔不如雲陽宣巨公

駘藉

馮衍傳江湖之上海岱之濱風波騰踊更相駘
藉注踏藉也

輒

申屠剛傳光武嘗欲出游剛諫不聽遂以頭輒
乘輿輪帝遂為止注輒止輪木也

赤制

鄧暉傳漢歷久長孔為赤制注言孔子作緯著
漢家之制火德尚赤故云赤制

手而不憂

同上暉友董子張父為鄉人所害病將終暉往
候之歔歔不能言暉曰吾知子不悲天命而痛
讎不復也子在吾憂而不手子亡吾手而不憂

也子張但目擊而已

緋裘

楊厚傳厚祖父春卿臨命戒子統曰吾緋裘中有先祖所傳祕記爲漢家用爾其脩之注緋厚繒也

太平清領書

襄楷傳順帝時瑯琊宮崇詣闕上其師干吉於曲陽泉水上所得神書皆縹白素朱介青首朱目號太平清領書注素縹也介界道也首縹也

目題目也

捲握

張堪傳公孫述破時珍寶山積捲握之物足當十世而堪去職之日乘折轅車布被囊而已注猶掌握也

芻廕

蘇不韋傳時右校芻廕在寺北垣下注廕芻藁藏也

祇禍

羊續傳續爲南陽太守妻與子祕俱往郡舍續閉門不內妻自將祕行其資藏唯有布衾敝祗禍鹽麥數斛而已注祗禍短衣也

髻剔

髻音日剃

馮魴傳延褒等聞帝至皆自髻剔負鉄質將其衆請罪注髻謂剃去髮也

公孫弘

虞延傳延欲辟幽州從事公孫弘以弘交通楚王而止

朱壽

梁商傳商薨朝廷賜以東園朱壽之器銀鏤黃腸玉匣什物二十八種注壽器棺也以朱飾之

矐矐

梁冀傳冀爲人鳶肩豺目洞精矐矐口吟舌言注矐矐目精直視也口吟舌言吃也

意錢

同上能挽滿彈棊格五六博蹴踘意錢之戲注詭億一日射意卽攤錢也

狐尾

同上冀改易輿服之制作平上輶車埤幘狹冠折上巾擁身扇狐尾單衣

皐蘇

曹褒傳樂非夔襄而新音代起律謝皐蘇而制令亟易注皐陶虞士官蘇忿生周武王之司寇也

洮汰

陳元傳解釋先聖之積結洮汰學者之累惑注

猶洗濯也

東里先生

周磐傳令其二子曰吾日者夢見先師東里先生與我講於陰堂之奧既而長歎豈吾齒之衰乎

爭昧

第五倫傳爭昧抑絕文職脩理

杜

鍾離意傳藥崧家貧爲郎常獨直臺上無被枕

史解 卷三
杜食糟糠注俎几也

侈長 去聲

宋均傳時府下記禁人喪葬不得侈長注不得奢侈有餘也

貫行

東平王蒼傳孝明皇帝大孝無違奉承貫行注貫行謂一皆遵奉也

稱媿

中山簡王傳五國各官騎百人稱媿前行注猶

齊整也

專愚

朱穆傳穆耽學或時思至不自知忘失衣冠顛隊阬岸其父以為專愚幾不知數馬足

在醜不爭

張敏傳託義者待臧安殺者有差使執憲之吏得設巧詐非所以導在醜不爭之義注醜類也

流喝 一介切

張酺傳郡吏王青被矢貫咽聲音流喝注嘶也

飛禍

周榮傳常敕妻子若卒遇飛禍無得殯歛注謂倉卒而死也

小杜律

郭躬傳躬家世衣冠父弘習小杜律注杜周爲廷尉子延年亦明法律故言小

元二

鄧騭傳時遭元二之災注卽元元也陳忠傳自帝卽位以後頻遭元二之厄

告寧

陳忠傳孝文皇帝定約禮之制光武皇帝絕告寧之典注告寧休謁之名

吐珠

翟酺傳孔子曰吐珠於澤誰能不含注春秋保乾圖曰臣功大者主威侵權并族害已姦行吐珠於澤誰能不含喻權柄外假則必競取以爲

已利

五禁

應奉傳思關雎之所求遠五禁之所忌注婦人
有五不娶喪婦之長女不娶爲其不受命也世
有惡疾不娶棄於天也世有刑人不娶棄於人
也亂家女不娶顛不正也逆家女不娶廢人倫
也

牢賞

應劭傳可募隴西羌胡守善不叛者簡其精勇
多其牢賞注牢稟食也西羌傳諸將多斷盜牢
稟私自潤入

笥中女布

王符傳徒御僕妾皆服文組綵牒錦繡綺紈葛
子升越笥中女布

反支

同上明帝時公車以反支日不受章奏帝聞而
恠曰民廢農業遠來謁闕而復拘以禁忌豈爲
政之意乎

回次

仲長統傳用明居晦回次於曩時興戈陳俎參

差於上世注回次猶携互不齊一也

收汗

梁節王暢傳今陛下爲臣收汗天下注汗惡也
天下以帝赦王爲惡是收惡天下也

欽頤

周燮傳燮生而欽頤折頰醜狀駭人注欽曲也

用板

楊賜傳宜絕慢傲之戲念官人之重割用板之
恩慎貫魚之次注板謂詔書也

纓綬

楊彪傳孔融諫曹操曰今天下纓綬搢紳所以
瞻仰明公者以公聰明仁智輔相漢朝舉直厝
枉致之雍熙也

朱文

王龔傳立德者以幽陋好遺顯登者以貴塗易
引故晨門有抱關之夫枉下無朱文之軫也注
朱文畫車爲文也言貧賤之人多被淪棄枉下
之微永無朱文之轍也

麀場

劉陶傳妄假利器委授國柄使郡醜刑隸芟刈
小民彫敝諸夏虐流遠近故天降衆異以戒陛
下陛下不悟而競令虎豹窟於麀場豺狼乳於
春園

烏鈔

同上群小競起進秉國之位鷹揚天下烏鈔求
飽吞肌及骨釜噬無厭

歐刀

虞詡傳寧伏歐刀以示遠近注歐刀刑人之刀
也案書多用歐刀

三怨成府

蓋勳傳皇太子副王望其所愛領帝之寵臣而
子違之所謂三怨成府者也注府聚也

埋根

馬融傳臣願裁假部隊之號盡力率厲埋根行
首以先吏士注埋根言不退

側匿

蔡邕傳元首寬則望舒朏侯王肅則月側匿注
晦而月見西方謂之朏朔而月見東方謂之側
匿

三五互法

同上朝議以州郡相黨人情比周乃制婚姻之
家及兩州人士不得對相監臨至是復有三互
法注三互謂婚姻之家及兩州人不得交互爲
官也

飲章

同上臣一入牢獄當爲楚毒所逼趣以飲章辭
情何緣復聞注飲猶隱卻告人姓名無可對問
章表也案飲猶飲泣之飲

引高

左雄傳言善不稱德論功不據實虛誕者獲譽
拘檢者離毀或因罪而引高或色斯以求名州
宰不寢競相辟召注因罪潛遁以求高尚之名

木舌

黃瓊傳忠臣懼死而杜口萬夫怖禍而木舌

章鉞

李固傳冀露固尸於四衢固弟子汝南郭亮年
始成童遊學洛陽乃左提章鉞右秉鈇鑕請闕
上書乞收固屍注章謂所上章也

薄醮

盧植傳亟遣丞掾除其墳墓存其子孫并致薄
醮以彰厥德注醮祭酹也

完封

皇甫規傳自永初以來將出不少復軍有五動

資巨億有旋車完封寫之權門而名成功立厚
加爵封

悵悵

陳蕃傳天之於漢悵悵無已注猶眷眷也

轉側

王允傳是時宦者橫暴睚眦觸死允懼不免乃
變易名姓轉側河內陳留間注轉側去來也

交關

黨錮傳諸爲怨隙者因相陷害睚眦之忿濫入

黨中又州郡承旨或有未嘗交關亦離禍毒

溷軒

李膺傳宛陵大姓羊元群罷北海郡臧罪狼籍郡舍溷軒有奇巧乃載之以歸注厠屋也

龍舒君

范滂傳從龍舒君歸黃泉注滂父顯故龍舒侯相也

同衣

檀敷傳家無產榮子孫同衣而出

基峙

鄭太傅尊卑無序王爵不加若峙衆怙力將各基峙以觀成敗注峙止也

大鑪 巨瓠

孔融傳融報操書子產謂人心不相似或矜執者以取勝爲榮不念宋人待四海之客大鑪不欲令酒酸也至於屈穀巨瓠堅而無竅當以無用罪之耳

天逸

同上贊曰北海天逸音情頓挫注逸縱也

蛾賊

皇甫嵩傳黃巾亦名為蛾賊注蟻也

干說

同上故信都令漢陽閻忠干說嵩注干冒進也

備服

同上卓抵手言曰義真備未乎

搜牢

董卓傳卓縱放兵士突入廬舍淫略婦女剽虜

資物謂之搜牢注言牢固者皆搜取之也

竿摩車

同上卓僭擬車服乘金華青蓋瓜畫兩轎時人

號竿摩車言其服飾近天子也注竿摩相逼近

也

叟兵

同上呂布軍有叟兵內反注叟蜀也劉焉傳遣

叟兵五千助之

尾敦

劉虞傳公孫瓚斬虞傳首京師故吏尾敦於路
劫虞首歸葬之注尾敦姓名

柴轂

袁紹傳紹既累世台司賓客所歸加傾心折節
莫不爭赴其庭士無貴賤與之抗禮輜輶柴轂
填接街陌注柴轂賤者之車

理頭

劉焉傳張魯自號師君其來學者初名爲鬼卒
後號祭酒祭酒各有部衆衆多者名曰理學頭

按三國志作治頭

義舍 三原

同上諸祭酒各起義舍於路同之亭傳孫置米
肉以給行旅食者量腹取足過多則鬼能病之
犯法者先加三原然後行罰按三國志云置義
米肉

累息

任延傳威行境內吏民累息注累氣也

窮怒

史記 卷三
酷吏傳重文橫入爲窮怒之所遷及者亦何可
勝言

覆杯

董宣傳勅令詣大官賜食宣受詔出盡覆杯食
機上大官以狀聞上問宣宣對曰臣食不敢遺
餘如奉職不敢遺力

兩墮

單超傳四侯轉橫天下爲之語曰左回天具獨
坐徐臥虎唐兩墮注謂隨意所爲不定也

塞具

曹節傳旣誅武等詔令大官給塞具注塞賽祠
也

飛條

呂強傳蔡邕毀刺貴臣譏呵豎宦陛下不密其
言至今宣露群邪頂領膏唇拭舌競欲咀嚼造
作飛條注飛書也

外草

同上趙忠夏憚復諧曰強見召未知所問而就

外草自屏有姦明審注謂在外草野中自殺也
倚席

儒林傳安帝覽政薄於藝文博士倚席不講朋
徒相視怠散注倚席言不施講坐也

鮭陽鴻

鮭胡瓦反

注丹傳山中鮭陽鴻字孟孫亦以孟氏易教授
有名注鮭陽姓鴻名

儻和

儻仕鑿反

孔僖傳鄰房生梁郁儻和之注謂不與之言而
儻對也案似今攙越之攙

九裂

楊倫傳倫不之官以疾自上曰有罾死一尺無
北行一寸刎頸不易九裂不恨匹夫所執疆於
三公固敢有詞

右師細君

包咸傳咸受秦長安師事博士右師細君注右

師姓

秕僻

蔡玄傳桓靈之間君道秕僻注秕穀不成也

折札

同上鞠躬昏主之下狼狽折札之命注折簡也

紫鱗

杜篤傳稚蟒蛤碎璠璃甲瑇瑁戕紫鱗注大龜也

斗極

趙壹傳昔原大夫贖妾下絕氣傳稱其仁秦越人還號太子結脈世著其神設曩之二人不遭

仁遇神則結絕之氣竭矣然而構脯出乎車軫
鍼石運乎手爪今所賴者非直車軫之構脯手
爪之鍼石也乃收之於斗極還之於司命使乾
皮復含血枯骨復被肉允所謂遭仁遇神真所
冥傳而著之

蹠躅

彌衡傳方爲漁陽參搗蹠躅而前

梲杖

同上衡乃着布單衣蹠巾手持三尺梲杖坐大

營門以杖簪地大罵注棧大杖也

下借

李允傳大將軍鄧騰貴戚傾時無所下借注卽假借也

詭求

陳重傳有同署郎負息錢數十萬責主日至詭求無已注詭責也

灌謁者

雷義傳三府同時俱辟二人義遂爲守灌謁者

注未滿歲稱灌謁者

拮拾

范冉傳推鹿車載妻子拮拾自資

鍍斧

戴就傳燒鍍斧使就挾於肘腋注甫刃也

脫素

向栩傳及之官時人謂其必當脫素從儉而栩更乘鮮車御良馬注脫易簡素

觥觥

郭憲傳關東觥觥郭子橫注剛直之貌

削哺

楊由傳有風吹削哺太守以問由由曰方當有
薦木實者其色黃赤頃之五官掾獻橘數包注
削札也哺當作柿

航 跪

李南傳向度宛陵浦里航馬跪足注航以舟濟
水也跪屈損也

鵠息

華佗傳冷壽光行容成公御婦人法嘗屈頸鵠
息注雉也

陝輸

列女傳動靜輕脆視聽陝輸注不定貌

僕鑿 獨力

南蠻傳帝女既嫁槃瓠於是解去衣裳為僕鑿
之結着獨力之衣注未詳

精夫

殃徒

殃胡朗反

同上名渠帥曰精夫相呼為殃徒注殃我也

倭錢

倭徒濫反

同上殺人者得以倭錢贖死注倭蠻夷贖罪貨也

蘭干

同上哀牢土地沃美五五穀蚕桑知染采文繡
蜀氎帛疊蘭干細布

軻蟲

同上出水精瑠璃軻蟲蚌珠

羊羴

同上冉驪夷其人能作旄氎班蜀髦氎羊羴之
屬注未詳

風災鬼難

西域傳梯山棧谷繩行沙度之道身熱首痛風
災鬼難之域

客賜

南匈奴傳事畢之後裁行客賜注言以主客之
禮裁量賜物不多與也

癩疽

史解 卷三
解卑傳邊垂之患手足之蚿搔中國之困胷背
之瘰疽方今郡縣盜賊尚不能禁況此醜虜而
可伏乎

史鱗卷四

陳留 謝肇淛 著

黃師表

建安 較

黃師正

三國志

死綏

曹操紀司馬法將軍死綏注綏却也有前一尺
無却一寸按綏恐是車綏今作却未詳俟再攷
椎冰

同上初討袁譚時民亡椎冰令不得降注川渠
水凍使民椎冰通船民憚役故亡

邛音已

曹叡紀分襄陽臨沮互城於陽邛四縣置襄陽
南部都尉

了烏

同上文帝拆銅人承露盤董尋諫曰陛下既尊
群臣顯以冠冕被以文繡載以華輿所以異於
小人而使穿方舉土面目垢黑沾體塗足衣冠

了烏毀國之光以崇無益甚非謂也

登女

同上壽春農民妻自言爲天神所下命爲登女
當營衛帝室蠲邪納福飲人以水及以洗瘡多
愈於是立館後宮甚見優寵及帝疾飲水無驗
乃殺之

罰首

郭后傳后勅諸家曰今世婦女少當配將士不
得因緣取以爲妾也宜各自慎無爲罰首

史解 卷四
隆車

袁紹傳紹檄州郡文屯據敖倉阻河爲固乃欲以螳螂之斧當隆車之隧

爍炭

同上雷震虎步並集虜庭若舉炎火以炳飛蓬覆滄海而沃爍炭有何不消滅者哉

旛

同上旛動而鼓說曰旛發石也於是造發石車拳捷

呂布傳卓嘗小失意拔手戟擲布布拳捷避之爲卓顧謝卓意亦解注拳力也

連雞

同上陳珪曰遲奉與術卒合之軍耳策謀不素定不能相維持子登策之譬之連雞勢不俱栖可解離也

急疾

夏侯淵傳淵爲將赴急疾常出敵之不意故軍中爲之語曰典軍校尉夏侯淵三日五百六日

崖柴

曹爽傳丁謚何晏鄧颺言無不從故于時謫書謂臺中有三狗二狗崖柴不可當一狗憑默作疽囊默爽小字也言三狗皆欲嚙人而謚尤甚也

韓莫

荀攸傳攸言於太祖曰紹運車且莫至其將韓莫銳而輕敵擊可破也注或作韓猛或作韓若

居府

國淵傳太祖征關中以淵為居府長史統留事

擘履

邴原傳原至門下通謁太祖大驚喜擘履而起

棗梳

管寧傳寧稱草莽臣上疏曰德非園綺而蒙安車之榮功無竇融而蒙璽封之寵棗梳駑下荷棟梁之任垂沒之命獲九棘之位懼有朱博鼓妖之眚

史解 卷四 四

戴鷲

同上鉅鹿張璠養志不仕正始元年有戴鷲之
鳥巢璠門陰璠告門人曰夫戴鷲陽鳥而巢門
陰此凶祥也援琴歌咏作詩二章旬日而卒

瓜牛廬

同上隱者焦先自作一瓜牛廬淨掃其中營木
爲牀布草蓐其上一云瓜當作蝸

菹芫

同上初平中山東人有青牛先生字正方客三

輔曉知星歷風角鳥情常食青菹芫華

甌甌

同上扈累字伯重京兆人黃初元年徙洛陽喪
婦不復娶獨居道側以甌甌爲障施一厨牀食
宿其中

燔翳捐禡

崔琰傳琰諫世子田獵曰襲虞旅之賤服忽馳
驚而陵險志雉免之小娛忘社稷之爲重斯誠
有識所以惻心也唯世子燔翳捐禡以塞衆望

史記 卷四 五
不令老臣獲罪於天

無澗神

司馬芝傳特進曹洪乳母當與臨汾公主侍者共事無澗神繫獄注無澗山名在洛陽東北

五熟釜

鍾繇傳文帝在東宮賜繇五熟釜爲之銘曰於赫有魏作漢藩輔厥相惟鍾寔幹心膂靖共夙夜匪遑安處百寮師師楷茲度矩

駭耳

同上繇欲輕減大辟復向刑司徒王朗議以可按繇所欲輕之歿罪使減死之髡刑嫌其輕者可倍其居作之歲數內有以生易死不訾之恩外無以刑易鈇駭耳之聲

櫬

王朗傳孫策令使者詰朗朗稱禽虜對使者曰朗以瑣才誤竊朝私受爵不讓以遘罪罔前見征討畏死苟免因治人物寄命須臾又迫大兵惶怖北引從者疾患死亡略盡獨與老母共乘

史鑑 卷四
一櫬流矢始交便棄櫬就俘稽顙自首又云委命下隸身輕罪重死有餘辜申脰就鞅躡足入絆叱咤聽聲東西是命

伊邑

同上朗諫伐孫權曰設其傲狠殊無入志懼彼輿論之未暘者金懷伊邑按伊邑卽於邑也

畫外

同上文帝伐權還詔三公曰屋漏在上知之在下然迷而知反失道不遠過而能改謂之不過

今將休息棲備高山沉權九淵割除擯棄投之畫外

朱墨 二三餘

王肅傳弘農董遇善左氏傳更爲作朱墨別異人有從學者遇不肯教而云必當先讀百遍言讀書百遍而義自見從學者云苦渴無日遇言當以三餘讀或問三餘之意遇言冬者歲之餘夜者日之餘陰雨者時之餘也

三不尙

梁習傳高陽劉顛爲弘農太守荷慝尤甚吏民
患之乃題其門曰劉府君有三不宥謂遷免與
死也

通律

賈逵傳逵世爲著姓少孤家貧冬常無袴過其
妻兄柳孚宿其明無何着孚袴去故時人謂之
通律

考竟

同上兵曹從事受前刺史假逵到官數月乃還

考竟按各傳多有考竟猶問結也

槎桎

蘇則傳則從行獵槎桎拔失鹿

郅津

郅音豆

杜畿傳畿拜河東太守值衛固據陝津不得渡
遂詭道從郅津渡

冥

同上畿試樓船遇風沒帝沒曰昔冥勤其官而
水死稷勤百穀而出死注冥契六世孫也爲夏

水官勤于其職而歿於水

推築

倉慈傳顏斐爲京兆太守司馬宣王在長安立軍市而軍中吏士多侵侮縣民斐白宣王宣王怒召軍市候於斐前杖一百時長安典農與斐共坐以爲斐宜謝乃私推築斐斐不肯謝

諛詞

臧霸傳部從事諛詞不法

通佞

王粲傳粲徃荊州依劉表表以粲貌寢而體弱通佞不甚重也注通佞簡易也

廓落帶

劉楨傳文帝常賜楨廓落帶其後師歿欲借取以爲像

四窓八達

盧毓傳諸葛誕鄧颺等馳名譽有四窓八達之

誦

欺鬼 鬼沒

常林傳沐命字德信豫作終制戒子曰道之爲物惟恍惟忽壽爲欺鬼天爲鳧沒身淪有無與神消息含悅陰陽其夢太極奚以棺槨爲牢衣裳爲纏屍繫地下長幽桎梏豈不哀哉

栢孝長

杜襲傳劉表攻西鄂西鄂長杜子緒帥縣男女嬰城而守時南陽功曹栢孝長亦在城中聞兵攻聲恐懼入室閉戶牽被覆頭相攻半日稍敢出面其明側立而聽二日往出戶問消息至四五日乃更負楯親闔語子緒曰勇可習也

瞻諦

裴潛傳韓宣當杖見原禪腰不下遂趨而去帝目送之笑曰此家有瞻諦之士也

馬排

蒲拜反

韓暨傳暨徙監冶使者舊時冶作馬排每一熟石用馬百疋更作人排又費功力暨乃因長流作水排計其利益三倍於前

外劇

任子

史解 卷四
王觀傳觀爲涿郡太守明帝下詔書使郡縣條
爲劇中平者主者欲言郡爲中平觀教曰此郡
濱近外虜數有寇害云何不爲劇耶主者曰若
郡爲外劇恐於明府有任子觀曰夫君者所以
爲民也今郡在外劇則於役條當有降差當可
爲太守之私而負一郡之民乎遂言爲外劇郡
後送任子詣鄴時觀惟一子又幼弱其公心如
此案此任子卽質子也

郭汾陽

郭淮傳淮以著勲前朝改封汾陽子

耐掠

胡質傳頓丘民郭政通於從妹殺其夫皆耐掠
隱抵

白楮棒白帽

鍾會傳會已作大坑白楮數千欲悉呼外兵入
人賜白帽拜爲散騎

迪

勅連反

同上會旣被殺所養兄子毅及峻迪等下獄當

伏誅司馬文王原之

快雨

管輅傳到鼓一中星月皆沒風雲並起竟成快雨

致止

劉焉傳董扶字茂安發辭抗論益部雙故號曰致止言人莫能當所至而談至也

結眊

諸葛亮傳備性好結眊適有人以髦牛尾與備

者備因手自結之亮日明將軍當復有遠志但結眊而已乎

護前

關羽傳亮知羽護前朱桓傳亦云桓性護前恥爲人下宋書劉穆之傳瑀性陵物護前

老革

彭美傳美遷江陽太守怨望謂馬起曰老革荒悖可復道耶注猶云老兵也

分子

同上羨獄中與諸葛亮書曰從布衣之中擢爲
國士盜竊茂才分子之厚誰復過此注謂分兒
子厚恩施之於已

瓠壺

張裔傳雍閭趨起不賓假鬼教曰張府君如瓠
壺外雖澤而內實麓不足殺

談喁

同上裔爲丞相長史遺書與所親曰近者涉道
晝夜接賓不得寧息人自敬丞相長史男子張

君嗣附之疲倦欲死其談喁流速皆此類也

震撼

虛晚反

許慈傳慈與胡潛並爲博士更相克伐謗讟忿
爭形於詞色書籍有無不相通借時尋楚撻以
相震撼

謹咋

孟光傳光好公羊春秋而譏呵左氏每與來敏
爭此二義光常譏譏謹咋

詼喁

馬忠傳忠爲人寬濟有度量但詼嘲大笑
體

王平傳平遵履法度言不戲謔從朝至夕端坐
徹日愴無武將之體

揆張

鄧芝傳權書與亮曰丁玄揆張陰化不盡和合
二國唯有鄧芝之注謂丁玄之言多浮豔也

獶兒

孫策傳曹公聞策平定江南意甚難之常曰獶

兒難與爭鋒也

閻閻門

孫權傳吳中童謠曰黃金車班蘭耳閻閻門出
天子

嚼

同上權詔公孫淵曰燕王久嚼賊虜隔在一方
王表紡績

同上臨海羅陽縣有神自稱王表周旋民間語
言飲食與人無異然不見其形又有一婢名紡

續權迎之說水旱小事徃徃有驗

電灣 雲航 柜莽 寇褒

孫休傳休為四男作名字皆取難犯電字茵迄

電字霁磧 柜字显舉 寇字焚擁

察戰

同上使察戰到交阯調孔爵大豬注察戰吳官

號今楊都有察戰巷

鬼目

孫皓傳有鬼目菜生工人黃耆家依綠棗樹長

丈餘莖廣四寸厚三分

蕉邪

士燮傳燮每遣使詣權致雜香細葛輒以千數

明珠大貝流離翡翠瑋瑁犀象之珍奇物異果

蕉邪龍眼之屬無歲不至

竿

諸葛瑾傳長文之徒昔所以能守善者以操竿

其頭畏掾威嚴故竭心盡意不敢為非耳

倉髮

張紘傳李廣之氣倉髮益怒樂一當單于以盡
餘憤

行滕

呂蒙傳蒙陰賒貫爲兵作絳衣行滕及簡日陳
列赫然

咄喑

同上蒙病權穿壁瞻之見小能下食則喜顧左
右言笑不然則咄喑夜不能寐

縹被

蔣欽傳母踈帳縹被妻妾布裙

負牝

甘寧傳挾持弓弩負牝帶鈴民間鈴聲卽知是
寧

三版

凌統傳過本縣步入寺門見長吏懷三版恭謹
盡禮

薄落

徐盛傳從建業築圍作薄落圍上設假樓江中

浮船

憎定

朱異傳權謂異從父據曰本知季文憎定見之復過所聞

曠字

虞翻傳評曰虞翻古之遺直固難免乎末世然權不能容非曠字也

葩瓜

賀齊傳齊性奢綺尤好軍事兵甲器械極爲精

好所乘船雕刻丹鏤青蓋絳旂干櫓戈矛葩瓜文畫弓弩矢箭咸取上材蒙衝鬪艦之屬望之若山

幅裂

周魴傳魴合衆隨陸遜橫截曹休休幅裂瓦解斬獲萬計

下髮

同上魴詐降曹休時頗有郎官奉詔詰問諸事魴乃詣部郡門下因下髮謝故休聞之不復疑

史解
卷四
慮

八絕

趙達傳皇象工書嚴武善圍碁宋壽占夢十不
失一曹不興善畫權使畫屏風落筆點素因以
作蠅既進御權以爲生蠅舉手彈之菰城鄭姬
能相人及吳範劉惔趙達世皆稱妙謂之八絕

錫

諸葛恪傳恪嘗獻馬先鑷其耳范曄時在坐嘲
恪曰馬雖大畜稟氣於天今殘其耳豈不傷仁

恪答曰母之於女恩愛至矣穿耳附珠何傷於
仁

鉤絡

同上先是童謠曰諸葛恪蘆葦單衣蔑鉤絡於
何相求成子閣成子閣者反語石子岡也建業
南有長陵名曰石子岡葬者依馬鉤絡者校飾
革帶世謂之鉤絡帶恪果以葦席裹其身而蔑
束其腰投之於此岡

史解

卷四





